



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginæ
oraculis, & Sacr. ...

Monacellus, Franciscus

Venetiis, 1707

Eadem Coram R. P. D. Emerix Decano. Veneris 18. Junii 1694.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

quod antiquiores in receptione, five in una, five in alia dictarum Ecclesiarum Canonici, alios recentiores Canonicos in publicis functionibus in futurum faciendis præcedant, omnisque prioritatis, ac posterioritatis contentio aboleatur, pèrinde ac si unius, & ejusdem Ecclesiæ Canonici existerent, Præposito tamen Ecclesiæ Valven. & successoribus dignitatem obtinentibus exceptis, qui, et si in receptione, recentior extiterit, aliis tamen dd. Ecclesiarum Canonici in actis præcedentiæ præferatur &c. in Instrumento publico in *Summ. Positionis Valven. 5. Mail 1660. n. 2.*

3. Ex quibus DD. steterunt in decisis non esse exequendum secundum Decretum in ordine, idest Episcopum pro Causis Diœcesanorum Valven. nec etiam tertium, hoc est Canonicos, & Clericos Valven. ibidem carcerari debere, non autem transportari ad carceres Civitatis Sulmonæ, & ità utraque parte informante. Proclives tamen in exequutionem quinti nempè Episcopum nominari alternatim, sed tantum Pontificalia prima debere exercere in Ecclesia Valven. & insuper in exequutionem octavi, Episcopum teneri multas, & pœnas delinquentium Diœcesis Valven. applicare piis locis ejusdem Diœcesis ad præscriptum Sacri Concilii Tridentini *cap. 3. de Reformat. sess. 25. ibi --- Locis piis ibi existentibus.*

Et ità super his informantibus tantum Valven. cœtera Decreta, neutra Parte informante, non fuerunt examinata.

E ADEM CORAM R. P. D.
EMERIX DECANO.

Veneris 18. Junii 1694.

S U M M A R I U M.

- 1 Episcopus duarum Ecclesiarum unitarum unum tantum Vicarium Generalem pro utraque deputare potest.
- 2 Episcopus non cogitur habere Vicarium, sed potest negotia explere per se ipsum.
Secus de æquitate, & in Diœcesi-

bus multum amplius, vel ubi adest Consuetudo retinendi, ibi, & in seqq. & in annot. num. 1.

3 Episcopus duarum Ecclesiarum potest Clericos carceratos in una Diœcesi, transmitti facere ad Tribunal, ubi cursa residet.

Episcopus, potest in quacunq. parte Diœcesis Tribunal erigere, ibi.

4 Episcopus duarum Ecclesiarum aq. principaliter unitarum potest Pontificalia suo arbitrio, prius in una, quam in altera exercere.

5 Nec tenetur deputare distinctos Examinatores Synodales, nisi deputari consueverint.

6 Debet tamen pro unaquaque Cathedrali Canonicum Penitentiarum eligere.

7 Et pœnas, & multas delinquentium applicare locis piis Diœcesi delicti.

DECISIO III.

V Etustissima unio duorum Episcopatum Valven. & Sulmonen. retroactis temporibus acerrimarum litium inter utrumque Capitulum Mater, & Auctrix anno 1650. novas peperit controversias inter Capitulum Valven. & Episcopum, super quibus propositis octo dubiis in Sac. Congregatione Concilii, videlicet. Primo: An Episcopus pro medietate anni teneatur residere in Terra Pentinz, ubi extat Ecclesia Cathedralis Valven. cum Domo Episcopali aequaliter distante ab Ecclesia? Secundo; An Episcopus pro Causis Diœcesanorum Valven. deputare debeat Vicarium Generalem in Diœcesi Valven.? Tertio: An Canonici, & Clerici Diœcesis Valven. delinquentes, debeant ibidem carcerari, & non transportari ad carceres Sulmonen.? Quarto: An Episcopus, qui prius tenetur accedere ad Ecclesiam Valven. teneatur ibidem Pontificalia exercere? Quinto An functiones Pontificales debeant alternatim peragi in dictis duabus Ecclesiis Cathedralibus, & an prius in Ecclesia Valven. uti antiquiori? Sexto: An Episcopus teneatur in dicta Ecclesia Cathedrali

drali Valven. erigere præbendam Pœnitentiariam? Septimò: An in Civitate, vel Diœcesi Valven. sint deputandi Examinatores Synodales distinctè ab illis, qui deputantur in Civitate, & Diœcesi Sulmonen.? Octavò: An idem Episcopus teneatur multas, & pœnas delinquentium Diœcesis Valven. applicare piis locis, & restaurationi Ecclesiarum ejusdem Diœcesis. Prodierunt ab ipsa, Decreta tenoris sequentis. Ad primum sufficere, ut Episcopus in altera parte alterutrius ex Diœcesibus resideat, dum tamen in aliqua ex Ecclesiis suis resideat, temporibus à Sacro Concilio præscriptis *cap. 1. vers. eodem sess. 2. 3.* Ad secundum: Episcopum pro causis Diœcesanorum Valven. deputare debere Vicarium Generalem in Diœcesi Valven. Ad tertium: Canonicos, & Clericos Diœcesis Valven. ibidem delinquentes, ibidem carcerari debere, non autem transportari ad Carceres Civitatis Sulmonæ: Ad quartum: non teneri in actu primi accessus. Ad quintum: non teneri alternatim, sed tantum prima Pontificalia exercere debere in Ecclesia Valven. tanquam digniori. Ad sextum; Episcopum teneri erigere præbendam Pœnitentiariam juxta Decretum Consistoriale. Ad septimum: deputandos esse Examinatores Synodales in Diœcesi Valven. distinctè ab Examinatoribus, qui in Civitate, & Diœcesi Sulmonen. deputantur. Ad octavum: teneri multas, & pœnas delinquentium Civitatis, & Diœcesis Valven. applicare piis locis ejusdem Civitatis, & Diœcesis. Suspensa autem per Signaturam Sanctissimi executione hujusmodi Decretorum, & remissa causa ad eandem Sacram Congregationem cum ordine procedendi eum voto nostri Auditorii, datum fuit in Rota dubium per bon. mem. Cardinalem Taya: An, & quæ Decreta sint exequenda, & informant Episcopo super solis secundo, & tertio, pro eorum dumtaxat non executione responsum fuit per geminas Decisiones editas 5. Maii 1660. & 5. Junii 1661. impressas inter Recent. *decis. 215. & 346. part. 13.* Causaque deinceps filuit ad hæc usque tempora, quibus ego ad

instantiam Capituli in Causa subrogatus, subscripsi dubium totius primordialis disputationis Causæ reintegrativum; an sit standum, vel recedendum à decisis coram bon. mem. Cardinali Taya, & an, & quæ Decreta sint exequenda. Eoque hodiè proposito, Domini posthabito primo, & quarto, in quibus Capitulum manus dedit, censuerunt standum in decisis, & decreta non esse exequenda præter sextum, & octavum.

1. Incipiendo siquidem à decisis, visum non fuit exequendum secundum, quoniam Episcopus duarum Ecclesiarum unitarum, potest unum tantum deputare Vicarium Generalem, ad quem accedant subditi ambarum Diœcesum, ut tradunt Card. in *Clem. 2. quest. 2. de re script. Sbrozz. de Offic. Vicar. lib. 1. par. 1. §. 2. sect. 2. subsect. 5. num. 5.* Melphiten. ad Gratian. *discept. 655. num. 4.* Card. de Luca *de jurisd. disc. 22. num. 10. & de præeminent. disc. 7. n. 21.* Posth. *de manur. observat. 53. num. 9.* Barbol. *de offic. & potest. Episcop. part. 3. allegat. 54. num. 129. & seqq.* Frances *de Eccles. Cathedralib. capit. 8. num. 378. & 384.* Rota *decis. 418. num. 3. coram Cavaler. & decis. 2138. num. 12. & seqq. & signanter num. 16. coram Coccino.* Et ratio est, quia licet duæ sint materiales Ecclesiæ, formaliter tamen ratione unionis habentur pro unica *cap. primò ne sede vacant. cap. sicut unire de excessib. Præl. Innocent. in cap. novit in fine de offic. leg. Gonzal. ad regul. 8. Cancell. gloss. 5. §. 7. num. 29.* Rot. *decis. 477. num. 2. coram Remboldo.*

2. Imò quod plus est, potest etiam nullum habere Vicarium, & negocia explere per semetipsum, ut in *dicta dec. 418. num. 10. coram Cavaler.* Nec obstant auctoritates firmantes, quod Episcopus duarum Ecclesiarum tenetur residere in digniori, & in altera deputare Vicarium Generalem, quia vel procedunt in duabus Ecclesiis separatis ex dispensatione Apostolica existentibus sub gubernio unius Episcopi, ut declarat Rota *disc. decis. 418. num. 11. vers. denique coram Cavaler. vel de æquitate in Diœcesibus multum amplis Gemin. in cap. non potest §. illud autem num. 11. de præbend. in 6. Rot. decis.*

decis. 477. num. 5. coram Remboldo, cuiusmodi non est Ecclesia Valven. ab Episcopali residentia distans per spatium quinque milliarium.

3. Et ex his succedit resolutio Tertii pro non exequutione, quia cum agatur de duabus Ecclesiis unitis, quæ respectu Episcopi habentur pro unica, non sunt delinquentes Canonici, aut Clerici Diocesis Valven. conficiendi in ipsis Diocesis Carceribus, sed transportandi ad Civitatem Sulmonæ, in qua cum Curia residet Episcopus, ut per Merol. *Theolog. moral. par. 3. disp. 7. cap. 6. dub. 9. num. 81.* Card. de Luc. *de iurisdic. disc. 22. num. 9. & 10. de Præminent. disc. 7. num. 21. & in adnot. ad Concil. disc. 4. num. 5. & 6. potest enim Episcopus in quacumque parte suæ Diocesis Tribunal erigere; & subditorum Causas cognoscere cap. cum Episcopus, ibique Doctores de offic. Ordin. in 6. Mandol. conf. 27. num. 7. Berrachin. de Episcop. part. 5. lib. 4. quæst. 38. num. 6. nec sic per indirectum cogi debent alibi, quam in loco suæ residentia vel consueto, Vicarium retinere, vel mittere contra mentem Sac. Concil. Trid. sess. 25. de reform. cap. 6. ibi -- In eius domo, aut consueto Tribunali procedere teneatur, nec applicantur auctoritates, & decreta Sac. Congregationis Concilii in contrarium allata, quia intelligenda, ac recipienda sunt, prout etiam pleraque loquuntur in casu, quo subsistit consuetudo retinendi distinctum Tribunal, ac Vicarium, in utraque Diocesi, aut maxima sit inter unam, & alteram distantia locorum.*

4. Transeundo autem ad alia visum fuit non exequendum quintum, quia (quidquid sit, an quando agitur de duabus Ecclesiis, æquè principaliter unitis, prout æquè principaliter unitæ præsumi debent Ecclesiæ Valven. & Sulmonen. dum earum unionis litteræ non habentur Rota decis. 2138. num. 6. coram Cocchino, arbitrium sit Episcopi prius in una, quam in altera Pontificalia exercere, etiamsi aliàs altera earum sit dignior (ut affirmare videtur Frances de Eccles. Cathedral. cap. 8. num. 394.) non satis constat de huiusmodi dignioritate Ecclesiæ Valven. non enim illa dimetiri valet ex an-

tiquioritate constructionis, quia præcellentior militat antiquioritas favore Ecclesiæ Sulmonen. sublimitationis, scilicet in Cathedrali; nam usque de anno 499. mentio fit illius Episcopi in Concilio celebrato sub Simmacho Papa, ut refert Gratian. *discept. 893. num. 1. Rot. in Sulmonen. Status Cathedralitici coram Manzanedo inter illius impressas 865. num. 5.* dum vice versa Episcopatus Valven. memoria non extat, nisi de anno circiter 700. prout non obstant Bullæ Summorum Pontificum Ecclesiam S. Pamphili de Sulmona recensentes inter pertinentias Episcopatus Valven. quia vel confunduntur ab aliis anterioribus præsupponentibus Cathedralitatem Sulmonen. vel intelligi possunt de alia Ecclesia eiusdem denominationis, ut responsum fuit in dicta Sulmonen. Status Cathedralitici coram Manzanedo num. 15. nec denique turbant provisiones consistoriales, cum prænominatione seu simplici nominatione Ecclesiæ Valven. peculiare Decretum Sacræ Congregationis Concilii, quod per Episcopos noviter provisos, prius accessus fieret ad eandem Ecclesiam Valven. necnon alia Decreta præcedentiæ favore ipsius prolata, quoniam provisiones consistoriales, ac Decretum super primo accessu, provenire forsitan valuerunt ex eo, quod tunc apud ipsammet Ecclesiam Valven. residere consueverant Episcopi, ut patet ex antiquis positionibus datis in Summar. Capitulum. 19. & Decretis præcedentiæ derogatum fuit per successivam concordiam anni 1628. præcedentiæ statuente secundum ordinem antianitatis cuiusque Canonici.

5. Nec simili modo visum fuit exequendum septimum, quia non tenetur Episcopus pro duabus Ecclesiis unitis deputare distinctos Examinatores Synodales, ut tradit Card. de Luca *iurisdic. discurs. 56. num. 6.* sicut non tenetur celebrare distinctam Synodum, Frances de *Eccles. Cath. cap. 8. numer. 370.* ex sapè dicta ratione, quod respectu Episcopi duæ Ecclesiæ unitæ habentur pro una, præsertim stante consuetudine deputandi unicos Examinatores pro utraque

que Diœcesi, quæ optima dicitur Juris interpres Text. in cap. cum dilectos de consuetud. & in l. si de interpretatione ff. de legib. & contraria procedunt, ubi pro singulis Diœcesibus deputari consueverunt singuli Examinatores, vel de facto deputati fuerunt, adeo ut in his terminis non sustineatur concursus ad Ecclesiam unius coram Examinatoribus alterius, ut per Rot. dec. 2138. coram Coccin. nu. 6. Per oppositum verò exequendum visum fuit 6. & 8. nam quoad 6. clara, & literalis est dispositio Concil. Trid. sess. 24. de reform. cap. 8. necnon Decretum Confistoriale in sequelam ejus emanatum, quoad in omnibus Cathedralibus Ecclesiis instituitur ab Episcopo Penitentiarius aliquis cum unionæ Præbendæ proximè vacaturæ, qui penitentes audiat, & Sacramentum Penitentiae administret, ut notat Barbol. ad idem Concil. ubi supra, & de officio & potest. Episc. part. 3. alleg. 55. num. 1. & 2. nec officit, quod in Diœcesi Valvensi, vel de gremio Capituli non adsit Doctor, aut licentiatius in Sac. Theologia, vel Jure Canonico, quia satis est, quod instituitur, qui aptior pro loci qualitate reperitur, ex præscripto ejusdem Concilii loco mox allegato ibi -- *Seu alias, qui aptior pro loci qualitate reperitur.*

7. Et quoad octavum tenetur Episcopus multas, & poenas delinquentium Diœcesis Valven. applicare loci Pii e jusdem Diœcesis ex censura Sac. Concilii Tridentini sess. 25. de reform. c. 3. ibi -- *Quæ locis piis ibi existentibus eo ipso, quod exalta fuerint, assignentur, ut advertit ibi Barbol. num. 27. dicens, quod in pari necessitate melius est subvenire pauperibus loci, in quo habitat Clericus condemnatus, nec adversantur auctoritates circa applicationem hujusmodi, tribuentes arbitrium Episcopo, quia arbitrium intelligi debet intra personas, & locum habitationi delinquentis.*

Et ita utraque Parte informante, ac omnibus Dominis suffragantibus decisum fuit.

EADDEM CORAM EODEM

Veneris 11. Martii 1695.

SUMMARIUM.

1. Duæ Ecclesie Cathedralis aquæ principaliter unitæ retinent suas præminentias, & privilegia; sed respectu Episcopi reputantur pro una.
- Et idem unum tantum Vicarium Generalem deputat pro ambabus Diœcesibus, ibi.
2. Episcopus non cogitur Vicarium habere.
3. In actibus facultativis, ut est deputatio Vicarii Generalis non datur consuetudo neque præscriptio.
4. Episcopus duarum Ecclesiarum potest transmitti facere carceratos ad locum ubi residet.
5. Et Pontificalia exercere in una, vel in altera, prout sibi placet.
6. Nec distinctos Examinatores Synodales deputare tenentur.

DECISIO IV.

EX octo decretis à Sacra Congregatione Concilii editis super totidem dubiis, seu controversiis exortis inter Episcopum Valven. & Capitulum, quorum exequutio per Signaturam Sanctissimi suspensa, & ad eadem Sacram Congregationem remissa fuit cum voto nostri Auditorii, responsum fuit die 5. Maii 1660. & 15. Junii 1661. coram bon. memor. Cardinali Taya, exequendum non esse secundum, & tertium, ac in nova totius causæ discussione post silentium tot annorum, habita, die 18. Junii anni præteriti coram me, suffecto in locum dictæ bon. mem. Cardinalis Taya, omisso examine primi, & quarti, in quibus Capitulum manus dedit, quoad secundum, & tertium dictum fuit standum in decisio, & quoad alia præter-

lex-